

singula vel saltem præcipua eius capita
decurramus, an est aliquid, quod Græ-
cis & Arabibus fuerit aduersum aut in-
solēs? Resoluunt pariter & componūt,
quodq; nonnulli Chymicorū propriū
existimant. Putrefaciunt, Sublimāt, Di-
stillant, Calcināt, Corrodunt, Extrahūt:
quod de singulis iā paucis probabimus.

PVTREFACIVNT. Est enim Putrefactio,
resolutio mixti per putredinem natura-
lem in calido humido, vt notat Andreas *Alchymiae*
Libauius, vir doctissimus. Sic Acopa, 1. cap. 23.
ait Syluius, ex semine abietis & florib. 2. præpar.
populi, dum menses plures macerando *simpl.*
perficit Galenus, etiā putrefacit: Chal-
citin & Lithargyrium aceto acerrimo
solutū, æstate media, quadraginta die-
bus, in olla noua fimo obruit, vt fiat
Psoricum: quam putrefactionem, Syl-
uius maximo in v̄su penes Chymistas
esse testatur. Ex vino acetū putrefactio-
nis ope machinamur: quando vinofæ
partes refrigerescunt, & humidum excre-
mentum adscititiam caliditatem acqui-
rit, velut cætera, quæ putrescunt omnia.
Hoc idem Aristoteli & Theophrasto
attribuit Galenus. 4. *simpl. 3.*

F 4 Sv-